

Cu un tempo di dos seconde

Daniella van den Berg ta kibra su record personal den e 400m free

ORANJESTAD/NANJING - Sin duda algun e atletanan di landamento a demonstra un mehoracion enorme durante di nan prestacion den e Weganan Olimpico Hubenil di Nanjing, China. Tanto Jordy Groters como Daniella van den Berg a sa na establece un marca nobo den e eventonan cu nan a competi den dje.

Diahuebs mainta un biaha mas e atleta Daniella van den Berg a logra kibra su record personal den e 400m free-



style ora e ta marca un tempo di 4.26.14. Cu e tempo aki Daniella ta kibra su record cu dos seconde. Mester bisa ademas cu Daniella a termina na prome luga den su serie (heat) y ta keda net cortico pa landa e gran final den e 400m free den oranan di anochi.

E Weganan Olimpico Hubenil sigur a bay bon pa e landando van den Berg, e por mira tras riba un presentacion formidable, mirando cu den su prome evento esta e 800 m free, Daniella a logra mehora su tempo cu no menos cu 13 seconde cual ta un hecho impresionante y awor den e distancia mas cortico, esta e 400m free e ta logra mehora su tempo 2 seconde. □